

Հ Ա Յ

ՀԱՍԱՐՍԿՈՒԹԵԱՆ

ԴԱՏԱՍՏԱՆԻՆ



ՆՈՐ-ՆԱԽԻՋԵՒԱՆ
Տպարան Ս. Յ. Աւագեանի

1907

Յ. Ս. ԳՈՒՅՆԱՐԵԱՆ

121

Հ Ա Յ

ՀԱՍԱՐԱԿՈՒԹԵԱՆ

ԴԱՏԱՍՏԱՆԻՆ



ԿՈՐ-ԿԱԽԻՋԱԽԱՆ
Տպարան Ս. Յ. Առաքելյանի
1907

Печ. дозв. тип. С. Я. Авакова, Нахичевань н-Д.

Առաջադրելով յետագայ տողերը հայ հասարակութեան դատաստանին, ևս դիտաւորութիւն չունիմ անձնականի դիպչելու և հեռու եմ այդ մտքից: Իմ միակ նպատակն է ապացուցանել, որ Քիչնեի մեր Կոնսիւտորիան, ուրպէս հիմնարկութիւն, բոլորովին կլանված է իւր բարօրութեան շահերից, իսկ ժողովրդի շահերը նա անվերջ ժխտում է: Կարելի է սրանում գրվածը այնպէս կենդանի կերպով ու ջերմ չը հետաքրքրէ առհասարակ բոլոր հայերին (որովհետև այս տողերը գրելու առիթը տրված է Ղրիմի հայերի շահերի խանգարմամբ), բայց այն, ինչ որ կարելի կլինի էլի մի անգամ ասել՝ Քիչնեի դա նոր բան մը չէ) մեր հոգևոր հայրերի մասին, իհարկէ, բացառութիւններով, համարձակութիւն է տալիս ինձ ծանօթացնելու իմ եղբայրներին Նոր-Նախիջևանի և Բեսարաբիայի Հոգևոր Կոնսիստորիայի ներկայացուցիչների գործելու եղանակի հետ, այն Կոնսիստորիայի, որը սրտամտում է

ամեն անգամ, երբ հասարակութիւնը գէթ որ և է չնչին նշաններ է ցոյց տալիս ստուգելու այդ յետամնաց, բիւրօկրատիկ, աւանդամօլ, բէակցիօն և շահամօլ հիմնարկութեան գործողութիւնները:

Յ. ՔՈՒՇՆԱՐԵԱՆ.

Սիմֆերոպօլ.

Եթէ Տէրն-Աստուած մեզ հոգևորականներիս վրա ուղարկէր համաճարակ հիւանդութիւն խօլիբայի կամ ժանդախտի նման և մենք՝ բոլոր հոգևորականներս, ևս էլ նրանց հետ, ոչնչանայինք, այն ժամանակ հայոց ազգը ազատ շունչ կառնէր:

Պորէն-Ստեփանէի խօսքերը.

«Մշակ», № 5 – 1907.

Միայն այն ժամանակ կարելի է ճիշտ, պատար կազմել մարդկանց հայեացքների, յոյսերի, ակնկալութիւնների, պահանջների և մասին, երբ նրանց հետ յաճախակի և մօտիկ յարաբերութիւն ես ունենում: Մօտիկ յարաբերութեան այդպիսի պայմանների մէջ եմ դրված ես, որպէս երէցփոխ, հոգևորականութեան վերաբերմամբ: Նայեցէք, որպիսի տիպերի հետ պէտք է լինում հանդիպել, ինչպիսի հակումների հետ կուել և ինչպիսի խոչընդոտների պատահել ժողովրդին միջօգտակար բան անելու համար: Մեր հայ հոգևորականութիւնը (Ղրիմում), լինելով մեծաւ մասամբ տգէտ և անչափ քիչ կրթված, օգտվում է (ոչ ըստ արժանաւորութեան) անլի մեծ բարեբախտութեամբ, քան մեր հոգևորականութիւնը կովկասում: Մինչդեռ նրա համար ամեն բան քիչ է ու քիչ է: Մեծաւ մասամբ անկուլտուր և համարեա ոչ մի կրթութիւն չը

ստացած, նա հոգևոր հայր է գառնում ժողովրդին, որը ծարաւի է գլխութեան ու ճշմարտութեան լոյսին, և նա գրեթէ ամբողջապէս դժգոհ է իւր նիւթական ապահովութիւնից: Ստանալով ծխականներից ծեսերի համար այնպիսի գումարներ, որպիսիները յաճախ չէ ստանում բարձրագոյն կրթված մարդը, նա միշտ գանգատովում է, թէ վատ է ապրում:

Իհարկէ՛ այդ ամենը փոխելը մի մարդու կարողութիւնից վեր է, բայց այդ կանէ ժամանակը, երբ մեր հոգևորականութիւնը իւր ամբողջ մասսայով աւելի կուլտուրական ու կրթուած կը դառնայ: Բայց որպէս զի մեր սայլը մի տեղում կանգնած չը մնայ, ինձ թւում է, թէ առաջին բեֆօրման պէտք է դիպչի Քիշնևի մեր Կոնսիստորիային: Թէ ինչու ես առաջ ու առաջ դնում եմ Կոնսիստորիայի կերպարանափոխութիւնը, այդ կը տեսնենք այն դերից, որը նա խաղաց չին Արիմի վանքապատկան հոգերը կապարով տալու գործում:

Ընթերցողս, մի կողմ դնելով այդ գործի բոլոր մանրամասնութիւնները և ՚ի նկատի ունենալով, որ հողը վերջ ի վերջոյ տրված է կողմնակի մի մարդու, կը տեսնէ, որ Կոնսիստորիան հողերը տվել է կողմնակի մի մարդու միայն և

եթ աւելի ստանալու համար: Իսկ ապացոյցները այն անձերի, որոնք ուզեցին կապալով վերցնել հողը հայերով բնակեցնելու համար և նրանից ստացվելու օգուտը յատկացնելու երկու ուսումնարանների, չը յարգվեցին միայն նրա համար, որ առաջարկված կապալազնից Կոնսիստորիան պակաս կը ստանար: Իմ խորին համոզմունքն այն է, որ հողը մի խումբ մարդկանց կապալով չը տալու գործում յանցաւոր է Կոնսիստորիան, որպէս նիմարկուծին, իսկ նրա առանձին անդամները արժանի չեն այն ուշադրութեան, որին նրանք պէտք է արժանանային, եթէ իրանց կոչման բարձրութեան վրա կանգնած լինէին: Եթէ Կոնսիստորիան չօգտվեց այնպիսի հիանալի մօմէնտից, երբ նա կարող էր տալուցսնել իւր պատրաստակամութիւնը՝ աշխատելու հասարակութեան օգտին, էլ ինչ սպասել այլպիսի հիմնարկութիւնից, եթէ ոչ անձնական բարօրութեան հետամտութիւն: Մինչդեռ երբ Կոնսիստորիան թողնէր իւր շահերը (մանաւանդ որ թողնելու բան էլ չը կար, որովհետև մի խումբ անձերը առաջարկում էին հողի համար աւելի մեծ գին, քան կապալի զինը վերջին տարում, բայց պակաս, քան թէ այժմ տրված է) այն ժա-

մանակ, ի հարկէ, մենք հայերս անկասկած կը գնահատէինք Կոնստիստոբիայի անշահասիրութիւնը:

Այս բրօշիւրում ներքև գետեղուած լրագրական լրանակուից ընթերցողըս կը տեսնէ, թէ ինչպէս անվայել պահեց իրան Կոնստիստոբիան հողը կապալով տալու գործում և ինչպիսի աղմուկ յարուցեց այն հարցումների առիթով (համարձակ կասեմ—հիմնաւոր հարցումների), որ տրվեցին նրա վարմունքի համար այդ գործում: Բանը այնտեղ հասաւ, որ Կոնստիստոբը գրաւոր կերպով դիմեց Արմեանակի քահանային հետևեալ խօսքերն անփոփոց թղթով. „Ձեր ժողովրդին էլ յանձնում ենք Ձեր նայրական յորդորներին: Թող ազնիւ լինեն, իսկական հայրենասէր, անարդար անկարգութիւններից նեոու մնան, որ սիրելի լինեն իրանց աչքում և նյարդելի օտարների աչքում“:

Ես չը գիտեմ, թէ ինչպէս վարվեց Արմեանակի քահանան, բայց ինձ թւում է, թէ նա իւր հովվեալներից պէտք է յատանար մի լաւ պատասխան, որը զուցէ ստորագրութեան զգացմունքից զրդված չը հաղորդեց ըստ պատկանելոյն: Վերլուծենք կէտ առ կէտ իշխանաւորական թղթի այդ 2-3 ֆրագերը. „Ձեր ժողովրդին էլ յանձնում ենք Ձեր հայրական յորդորներին“:

Անցել են այն ժամանակները, երբ հովվեալները ականջ էին դնում հոգևոր հայրերի յորդորանքներին. դա այն ժամանակ էր, երբ ժողովուրդն իւր զարգացմամբ հոգևոր հայրերից ստոր էր կանգնած. հիմա արդէն այն չէ. ժողովուրդը աւելի առաջ է գնացել զարգացման ճամբով, քան թէ նրա հոգևոր հայրերը: Նա լսել էլ չէ ուզում յորդորանքներին այն մարդկանց, որոնք զարգացմամբ իրանից բարձր չեն:

„Թող ազնիւ լինեն“: Իսկ ինքը Կոնստիստոբլիան ազնիւ էր, հարցնում եմ ես: Չը գիտեմ, կը գտնվի արդեօք մի մարդ, որը գէթ մի խօսք ասէր 'ի պաշտպանութիւն Կոնստիստոբլային, որը յոյս տածեց երկու հազար ըուբլի (աւելորդ) ստանալու համար և դրա համար՝ 1) երկու ուսումնարան գրկեց նպաստից, 2) հնարաւորութիւն չը տվեց խեղճ հողագործներին բնակեցնել հողը, մինչդեռ Կոնստիստոբլիան ոչինչ չէր կորցնի, այլ ընդհակառակը կը ստանար 1000 ըուբլուց աւելի, քան սուղվայ կապալագինը:

„Թող լինեն խկական հայրենասէր“:

Ծաղր չէ՞ միթէ սա: Ինքը Կոնստիստոբլիան խորհուրդ է տալիս ուրիշներին հայրենասէրներ լինել, իսկ հէնց ինքը այնպիսի մի բայլ է անում, որ ոչ մի դէպքում չէ կարող ցոյց տալ Կոնստիս-

տորիայի հայրենասիրութիւնը: 2000 ըուլու համար նա զրկում է հովվեալներին հողի վրա նրստելու հեռանկարից և երկու ուսումնարան նպաստ ստանալուց, և դեռ համարձակվում է խօսել հայրենասիրութեան մասին:

„Անարդար անկարգութիւններից հեռու մնան“, Իսկապէս ասած ես չեմ հասկանում, թէ ինչ է այդ „անարդար անկարգութիւնները“: Եթէ Կոնսիստորիան ակնարկում է հովվեալների երկրորդ դիմումի վրա (հողը պ. Սափաքին տրվելուց յետոյ), որ հողը տրվի իրանց, դրա համար Կոնսիստորիան նրանց շնորհակալ պէտք է լինի, որովհետև նրանք հնարաւորութիւն տվին Կոնսիստորիային սթափվելու սխալ քայլից: Բայց Կոնսիստորիան այս անգամ էլ խուլ մնաց և հողը տվեց պ. Սափաքին:

„Որ սիրելի լինեն իրանց աչքում և յարգելի օտարների աչքում“:

Դէ, այդպիսի բարոյախօսութիւն կարդալ կարելի է երեխաներին և ոչ թէ հասակաւոր մարդկանց: Ես խորհուրդ կը տայի, որ ինքը Կոնսիստորիան „սիրելի լինէր իւր ժողովրդի աչքում“:

Գայթակղութեան չը դիմանալով՝ ես առաջ կը բերեմ նոյն թղթից հետևեալը. „ուստի Կոն-

սխտորիայն կը գիջանի (!) յօգուտ ժողովրդի տալ Օղի-Խիյղաչի նողը նոյն գնով, նոյն պայմաններով, եթէ պ. Սափարի հետ փոխադարձ նամանայնութիւն կայացնէք եւ նրանից վերցնէք, մինչեւ անգամ կարելի կլինի երեք տարի եւս աւելացնել: (ուշաուստաձեռն դարձաւ):

Իսկոյն երևում է, որ այդ գրողները ոչ թէ գործի մարդիկ են, այլ բիւրօկրասաներ: Ախր՝ եթէ մենք կամենայինք հողը 10000 ըուբլով առնել, մի՞թէ մենք ինքներս չէինք գտնի պ. Սափաքի ճամբան: Վերոյիշեալն ասելով Կոնսիստորիան կարծում է, թէ նա էլի շատ բան արեց, որպէս զի հողը իւրայիններէ ձեռքն ընկնէր և նոյն իսկ առատաձեռնութիւն ցոյց տվեց, աւելացրեց երեք տարի ժամանակամիջոց:

Եթէ ես ուզէի վերլուծել Կոնսիստորիայի ամբողջ հոչակաւոր թուղթը, նրա դերը կը պարզվէր էլ աւելի ցաւալի, բայց ստա՞ծս էլ բաւական է, որ ընդունենք այն ակսիօման թէ մեր Կոնսիստորիան միայն և եթ իւր մասին է մտածում, իսկ ժողովրդի շահերի վրա—, մի լաւ թքել եմ: (*):

• Եթէ իմ ընթերցողը չը հոգնեց և եթէ հե-

*) Տես բրօշիւրիս վերջի էջերում «Մշակի» մէջ տպուած նամակս. «Քիչնէի հայոց կոնսիստորի տեղափոխութեան հարցը»:

**տաքըքրվում է ազգային գործերով, այս բրօշխու-
րի մնացած մասն էլ կը կարգայ:**

Յ. ՔՈՒՇՆԱՐԵԱՆ.

ԱՆՀԱՍԿԱՆԱԼԻ Է
(Նամակ խմբագրութեան)

Մայիսի 7-ին 1906 թ. Սիմֆերոպոլի ծխական դպրոցի դահլիճում նշանակված էր Պերեկոպի գաւառում գտված 2700 դեսետաւին Խրիմի Սուլբը Խաչ վանքին պատկանող հողի կապալով տալու աճուրդը: Այս հողի նախկին կապալը վերցրել էր հանգուցեալ պ. Սպենդիարեանը 7000 ըուբլով և իր կողմից տուել գիւղացիներին աւելի բարձր գնով: Աճուրդը կատարելու համար Բեսարաբիայի թեմի առաջնորդի կողմից եկած լիազօր Բենիկ վարդապետին ներկայանալով Սիմֆերոպոլի և Օրբազարի հայ հասարակութիւններից մի քանի անձնաւորութիւններ, առաջարկեցին հետեւելը. տալ իրանց կապալով այդ հողը այն պայմանով, որ սրանք իրանց կողմից բաժանեն այդ հողը գաղթական հայ հողագործներին մէջ էժան գնով, իսկ եղած օգուտը յատկացնել յիշեալ երկու քաղաքների ծխական դպրոցներին: Նրանք պարտաւորվում էին նոյնպէս հոգալ գիւղացիների տնտեսութեան վերաբերեալ բոլոր պարագաների պէտքերը:

Այս առաջարկութիւնը սկզբից առաջնորդի լիազօր վարդապետը հաւանութեամբ ընդունեց

և որովհետև նա միշտ կրկնում էր, «ր կապալա-
զինը ամբողջովին ծախուում է կոնսիտուորիայի
ապահովութեան և վանքի այլ պէտքերի վրա և
7000 ռուբլին այդ պէտքերին չի բաւի, կապա-
լառուներից անընդհատ «բարեխղճութիւն» էր
հայցում: Կապալառուները համաձայնվեցին աւե-
լայնել կապալազինը և հասցրին 8000 ռուբլու,
միայն այն պայմանով, որ կապալի ժամանակա-
միջոցը աւելացնվի, որովհետև նշանակված (ա-
ճուրդի) վեց տարի ժամանակամիջոցում չէր կա-
րելի արդարացնել արված ծախքերը, նամանա-
ւանդ եթէ ի նկատ առնվեն նաև անբարեյաջող
տարիներ: Այս պայմանները իսկոյն հեռագրով
յայտնեցին առաջնորդին: Մինչ այս՝ եկաւ և մա-
յիսի 11-ը կրկնաճուրդի օրը (աճուրդը մայիսի
7-ին չը կայացաւ կապալառու չը լինելու պատ-
ճառով): Իսկ այդ բոլոր ժամանակը (7—11 մա-
յիս) վերոյիշեալ անձանց և լիազօրի միջև շա-
րունակվում էին բանակցութիւնները:

Կար միայն մի հանգամանք, որը ոչ ոք
հասկանալ չը կարողացաւ: Լիազօրի խօսքերի
համաձայն առաջնորդը իր համաձայնութիւնն էր
տուել հեռագրով հողը տալու 8000 ռուբլով և
10 տարի ժամանակով, իսկ յետոյ լիազօրը յայտ-
նեց, իբր թէ առաջնորդը հեռագրով առաջար-

կում է հողը տալ 9000 ըուբլով, սակայն կապալառուներից ոչ ոք չը կարողացաւ տեսնել այդ հեռագիրները: Երբ բանակցութիւնները սկսեցին սուր կերպարանք ստանալ, լիազօրը սկսեց ամբաստանել կապալառուներին համախմբման (СТАЧКА) մէջ: Այս ամբաստանութիւնը խիստ անիրաւացի և անհիմն էր և ծիծաղելի, այն հասարակ պատճառով, որ յիշեալ կապալառուները սովորական կապալառուների պէս ոչ թէ իրանց անձնական շահերին պիտի հետամուտ լինէին, այլ երկու (մեր կարծիքով—գովելի) գործ էին ցանկանում միայն իրագործել. նախ առանց հողի մնացած աղքատ գիւղացիներին էժան գնով հող մատակարարել և ապա՝ մի որևէ բանով օգնել երկու աղքատ հայ դպրոցների: Բացի անձնական շահերի բացակայութիւնից, կապալառուները իրանց վրա էին վերցնում նաև մի ահազին ծանրութիւն — գլխացաւանք, որը չէր բացասում, նաև առաջնորդի լիազօրը:

Այսպէս թէ այնպէս, բայց լիազօրի նախկին համակրանքը դէպի այդ գովելի գործի ձեռնարկութիւնը սկսեց նուազել, որովհետև մի ինչ որ անհասկանալի պատճառով 8000-ի փոխարէն 9000 ըուբլու պահանջը երևան եկաւ, համեմված «բարեխղճութեան» աղերսանքներով: Եւ

կարծես հասարակական այս գործը բոլորովին նշանակութիւն չունէր հողերը կառավարութեան համար, չը նայած նրան, որ հողերականութիւնը ամբողջովին մեր հասարակութեան շնքին է: Վերջապէս երբ ոչ մի համաձայնութիւն նրանց մէջ չը կայացաւ, լիազօրը յայտնեց, որ աճուրդը նա կը կայացնէ Քիշնևում և որ լիայոյս է, որ հողը կը տրվի աւելի բարձր գնով: Իսկ միթէ վերոյիշեալ կապալառուների առաջարկութիւնը նմանապէս արժանի չէր լիազօրի բարեխղճութեան և միթէ հայ աղքատ հողագործների շահերը աւելի բարձր գին չունեն: Այս շատ անհասկանալի է: *)

Երէցփոխ Յ. Քուշնարեան.

Մշակ 1906 № 136.

ԲԱՅ ՆԱՄԱԿ

(Քիշնևի հայոց հողերը կօնսիստօրիային)

Սիմֆերօպօլի հայոց ուսումնարանում մայիսի 7—11-ին նշանակված աճուրդը, որով ս. Խաչի վանքին պատկանող հողերը պէտք է կապա-

*) Այս իմ շափաւոր և կօրրէկտ նամակիս Բենիկ վարդապետը առեց մի երևելի պատասխան, որը ընթերցողս կտեսնէ բրօշուրիս վերջի էջերում:

լով տրվէին, չը կայացաւ: Մի քանի հոգի, ինչպէս վերև «Անհասկանալի է» յօդուածումս ասել եմ, լիազօր վարդապետին առաջարկեցին, այդ հոգերը կապալով տալ իրանց այն պայմաններով, որոնք իրանք հեռագրով առաջարկել էին վիճակաւոր առաջնորդին: Նրանց պայմանը չընդունվեց: Բայց առաջարկողները մինչև այժմ չեն կորցնում իրանց յոյսը, որ այդ գործը կաջողվի, ոչ թէ շահասէր նպատակներ ի նկատի ունենալով, այլ—նախ՝ այդ հոգերը չունևոր հայ հոգագործներով բնակեցնելը, երկրորդ՝ երկու ուսումնարանների դրամական օգնութիւնը և երրորդ՝ (որը ամենագլխաւորն է) հաստատ համոզմունքը, որ այդ հոգերը Պետական Դոման հարկադրարար պէտք է սեպհականութիւնից հանէ: Այս վերջին գէպքում նրանց առաջարկած կօմբինացիան կատարելապէս շահաւէտ պիտի լինէր կօնսիստօրիայի համար, որովհետև հողը, որ բնակեցրված կը լինի հողագործներով, չի խլվի և կօնսիստօրիան իւրաքանչիւր տարի կը ստանայ այն եկամուտը, որը նրան առաջարկում էին:

Վերջապէս առաջարկողները ինչորեք էին: Այս քի առաջ ունենալ այն, որ ներկայ գէպքում նրանք չէին հետամտում անձնական շահերի: Եթէ կօնսիստօրիան և լիազօրը նրա վրա ընկնէ

կերպ են նայում, առաջարկողներին մնում է միայն սրտի խորքից ամսոսալ, որ լաւ գործը չէ կարողանում իրականանալ միայն այն պատճառով, որ լիազօրը հարկաւոր ջանք և եռանդ ցոյց չը տուեց առաջարկութեան իսկական աստառը պարզելու համար, այլ ինկատի ունեցաւ միայն և եթ կօնսիստօրիայի շահերը, կարծես չունկոր հողագործների շահերը կօնսիստօրիայի շահերից բարձր չէին: Յամենայն դէպս վերոյիշեալ կօմբինացիան առաջարկողները հետաքրքրվում են իմանալ, արդեօք կօնսիստօրիան ի՞նչպէս վերաբերվեց առաջարկած կօմբինացիային:

Երէցփոխ Յ. Քուշնարեան.

Մշակ 1906 № 136.

Ձե՛ր ԽԻՂՃՆ Է ՀԻԻԱՆԴ

(Բաց պատասխան Սիմֆերոպօլի Երեցփոխ Եակոֆ Սերգէիչ Քուշնարեովին)

Եակոֆ Սերգէիչ!

Ձեր ամբաստանագիրը նուաստիս հասցէին կարդացի «Մշակ» օրագրի № 136-ում:

Զարմանքիս չափ չկայ: Դուք բարեկիրթ մարդուն անվայել վարմունքով ոտքի տակ էք տալիս և՛ բարեկամութիւն, և՛ արդարութիւն, և՛ յարգանք, և որ գլխաւորն է, սպանում էք ճշմարտութիւնը և նրա ընկած տեղում ստայօղ շաղախից մի արձան էք կանգնեցնում ձեր անուան ու արժանիքին վայել:

Ինձ պատմել էին, որ դուք ջղերի հիւանդութիւն ունիք, բայց ձեր վարմունքն իմ դէմ սպացուցանում է, որ դուք մի առաւել ծանր հիւանդութիւն ունիք, զոր խիղճն է հիւանդ: Եթէ բացարձակ ստել կարող է և ձեր նման բարձրագոյն կրթութիւն (ներեցէք ուսումնա պիտի ասէի, այլ ոչ կրթութիւն) ստացած մարդը, էլ ինչ գանազանութիւն ուսումնաւորի և տգէտի մէջ, արիստոկրատի և գեաղայի մէջ: Սուտ է, թէ ես լիազօր իրաւունքներով էի զրկուած կոնսիստօրի կողմից: Եթէ այդպէս լինէր, ես շարունակ հեռագրական դիմումներ չէի անի իմ անմիջական իշխանութեանը, որից շարունակ հրահանգներ էի սպասում:

Ուզիդ է, որ ես ձեզ յորգորում էի բարեխիղճ լինել, երբ նկատում էի, թէ ուսմամբ փքացող պարոնիդ մէջ խիղճը նոյնքան համր է, որքան ձեր երկու գործակիցների մէջ, որոնց դուք

ինձ մօտ, տոանձնապէս բուռնցք — «КУЛАКЪ» անունը տուիք: Ուրանալու հերոսութիւն էլ ունիք, որ ուրանաք այս ճշմարտութիւնը: Ասացէք խնդրեմ. ի՞նչ կապ «գաղափարական գործչիդ» և «КУЛАКЪ»-ների մէջ, ի՞նչ յոյս բուռնցքներից հասարակ դասակարգի համար, որոնց բարեգործութեան անունով, գուցէ և ջղային միամտութեամբ, դուք խեղճ հայ գիւղացիների վզին էիք ու գում նստեցնել, ինչպէս յետոյ պարզուեցաւ: Դուք ամենքդ «ի միողէ բերանոյ» պընդում էիք խղճի հակառակ, թէ «այդ հողը 7000 ուրբուց աւելի չարժէ, ոչ որ դրանից աւելի չի տայ և այլն և այլն»: Իսկ ես յորդորում էի ձեզ բարեխիղճ լինել, հաստատ զխտենալով, որ ձեր առաջարկած դինը ձեր անբարեխիղճութեան վկայականն է: Վերջը բարձրացրիք 8000-ի, բայց պահանջեցիք 18 տարուայ սլայման կապել: Ուրովհետև հայ գիւղացու անունով էիք խնդրում, ծանրացաք իմ նուրբ պգացմունքներուս վրայ և ես յօժարացայ դիմել հեռագրով սրբազան առաջնորդին, որ հողը 8000-ով և 12 տարով հայերին յանձնելու շնորհն անէ: Դուք այս էլ չլնդունեցիք, պնդեցիք 19 տարուայ վրայ և դիւմամբ քանդեցիք գիւղացիների գործը, որովհետև ձեր տիպի մարդիկ ճշմարիտ բարիք անել

չեն կարող, այլ թող փշելով անուն ու փառք են երազում խեղճ գիւղացիներից:

Արդ՝ ես իբրև վարդապետ յանցանք եմ գործել, որ ձեզ նմաններին, բարեխղճութեան եմ հրաւիրել, յորդորել եմ, որ ծայրայեղ գրկանք չհասցնէք կոնսիստորիային, որ նոյնպէս ձեր ազգային հաստատութիւնն է: Արատաւոր բան է խօսածս, որ դուք հեզնութիւնների և յանցանքների շարքն էք դնում:

Ձեր և ձեր «кулакъ» ընկերներից երկուսի անբարեխղճութիւնը նկատեցին և ուրիշները ձեզանից, երբ դուք հասարակաց բարիքի անունով հողը սակարկում էիք ինձ հետ և յանկարծ մասնաւոր ձեռնարկութեան կերպարանք տուիք: «Это частное предприятие», դուք ինքներդ գոռացիք մէկի վրայ և այն ժամանակ ազնիւ Մագլումեան ձեր երեսով տուաւ, թէ «եթէ մասնաւոր գործ է, էլ ի՞նչ հասարակութեան կամ բարեգործութեան անունով էք խօսում»: Եւ դուք հրապարակեալ խայտառակութիւնից կրակն ընկաք. վրդովուեցաք, չափազանց վիրաւորուած զգացիք ձեզ և բացարձակ յայտարարելով, որ գործին էլ չէք մասնակցելու, ելաք խռովեցաք ու մոգի ընկած հորթի նման մինչև Սևաստոպօլ գնացիք նոյն գիշերը: Իսկ ձեր կուլակ ընկերը

այնքանս ցած եղաւ, որ Զուլուսի վայրենութեամբ դիմումն արաւ ձեր եղբօր, սքստուական Քէորդ Քուշնարեանին, որ Մազլումեանին իր տանից վճնդէ, որովհետև իբր թէ նա ձեզ վիրաւորեց: Իրօք այդտեղ ոչ մի վիրաւորանք չկար, այլ կատաղութիւն Մազլումեանի դէմ, որ ձեր «նուիրական գաղտնիքին» դիպաւ: Հարկաւ, Քէորդ Քուշնարեանը խօսակոֆ Սերգէիչ Կушнарѳв-ը շէր, որ այդ բարբարոս առաջարկը կատարէր:

Պ. Մազլումեանը պահանջում էր, որ եթէ դուք Կոնստանտնուպոլիսից գիշումն էք ուզում բարիքի անունով, այն ժամանակ երաշխաւորութիւն տուէք հասարակութեան ձեռքը, որ դուք յետին միտք չունիք: Բանն աւելի խայտառակ կերպարանք ստացաւ, երբ ձեր «ԿՄԼԱԿՆ» ընկերները սկսան մէկ մէկու «յետս ընկրկելու» (отступно́й) դումարներ առաջարկել: Եւ ի՞նչ երկաց. դրանք մտածում էին խաբել ինձ էլ, գիւղացոցն էլ, և իրանց ձեռքը գցել կալուածքը, որ յետոյ դադէին խեղճերին:

Եւ ի՞նչ դժուար էր այդ հարիւր-հազարանոցներին, որ առանց չանայ թակելու վերցնելին հողը գիւղացոց համար, եթէ յիշաւի դրանց միտքը բարեգործութիւնն էր:

Այս ամենը տեղի է ունեցել պատուական

պ. Գէորգ Քուշնարեանի տանը, կողմնակի ան-
ձնաւորութիւն պ. Յ. Սելինեանի ներկայու-
թեանը:

Դուք սուտ էք ասում, թէ հողին վերաբեր-
եալ հեռագիրները ես ծածկել եմ կապալառու-
ներից: Ես հեռագրներից մէկի բովանդակութիւ-
նըն ասացի — «КУПАКЪ»-ներից մէկին, նա շըհա-
ւատաց և ես պատասխանեցի. «եթէ դուք իմ
խօսքիս չէք հաւատում, որ կարող եմ ապացու-
ցել հեռագիրը ցոյց տալով, ինչպէ՞ս հաւատամ ես
ձեր խօսքին, թէ դուք ոչ ձեր զրպանի, այլ հայ
աղքատ դասակարգի վրայ էք մտածում, քանի
որ ոչ մի երաշխաւորութիւն չկայ ձեզնից:
Եւ երբ մի քանի ըռպէից յետոյ նոյն պարոնի
հետ ներս են մտել պ. պ. Գէորգ Քուշնարեանը,
Յակոբ Մազլումեանը, ես հեռագիրն ամենքին եմ
տուել: Իսկապէս այս դէպքը կատակի կերպա-
րանք ունէր, որից սուտ փշոզները միայն կարող
են գուռնայ շինել:

Ի դէպ. և միթէ՞ ես պարտաւոր էի իմ բո-
լոր հեռագիրները ցոյց տալ, որոնք հեռագրուում
էին ինձ և ոչ ձեզ համար:

Ձեր համախմբման մասին ես ձեր փոխա-
րէն ամաչել եմ նոյն իսկ խօսք բանալ: Ձեր ե-
րեսովն էր տուել ձեր «СТАЧКА»-ն հայր Տէր-Օկ-

սէնս աւագ քահանան, որի խօսքերից կրակուած դուք ինձ պատմեցիք փրփրոտ բերնով և ես ձեզ վրայ մի քանի խօսքով սառը ջուր լցրի, որ չմոխրանաք: Իսկ այժմ դուք ստում էք, հերիք չէ, դուք ինքներդ ձեր արարքը դեռ հրապարակի վրայ էք դրել առանց ամաչելու: Ես այդ մասին էլի լուում եմ, բայց հարցնում եմ ձեզ, միթէ սուտ չէ որ «աճուրդն ու կրկնաճուրդը չկայացան կապալառու շինելու պատճառով»:

Եւ վերջապէս այսքան սուտն ուր էք տեղաւորում:

Սուտ է, թէ «լիազօրը յայտնեց, որ աճուրդը նա կկայացնէ Քիշնեում»: Ես ցոյց եմ տուել շատերին այն հեռագիրը, որով սրբազան առաջնորդը հրամայում էր ինձ վերադառնալ Քիշնե և յայտնում էր, որ մտադիր է Քիշնեում աճուրդ նշանակել:

Ձեր անվերջ ստերին, բլագօրօդնի Եակոֆ Սերգէիչ, յաջորդում է իբրև էֆֆէկտ մի իժի թոյն, որ մօզնի գործիչի խօսքերով թափում էք հոգևորականութեան վրայ, հետևեալ ֆրագով. — «հոգևորականութիւնը ամբողջովին հասարակութեան շնքին է»:

Ասացէք խնդրեմ, պ. Կոտարիուս-Էրէցփոխ, ինչով ենք մենք ձեր շնքին. նրանով, որ կամաւ

և յօժարութեամբ վերարկու ենք հագել, որ ձեզ նման մարդկանց ծառայենք, նրանով, որ օտարի հուժիրած հողերով յանուն վանքերի և առաջնորդի մի պատառ հաց ենք ուտում, որ մեր ազգի համար սառապենք և դեռ սիրով ու յօժարութեամբ բաժին ենք հանում հայ վարժարաններին: Միթէ՞ ձեր պապերի յառանգութիւնն են վայելում հոգևորականները, միթէ՞ նրանք զօռով սուանց ձեր հրաւիրանաց մտան ձեր տուն:

Մասնաւորենք մեր խօսքը, ասացէք խընդրեմ, Նակոֆ Սերգէիչ, երբ և ո՞րքան գումար էր տուել դուք անձնապէս հոգևորականութեան. ասացէք, հարուստ պարոն, ո՞վ է նստած ձեր շինքին: Դուք ձեր խօսքերն ուղղում էք ինձ դրած նամակի մէջ. զուցէ ես եմ ձեր շինքին նստել: Ի՞նչպէս, երբ. երկիցս հրաւիրել էք ինձ Սևաստոպօլից գալ և ձեզ համար պատարագել ու բարոզել: Եկել կատարել եմ ձեր խնդիրը սիրով ու գնացել, իսկ ինչով եմ ծանրացել ձեր շինքին, որ անարգ կերպով վիրաւորում էք. գոնէ խնայէիք ձեր ժողովրդի ընտիր զգայմունքներին, նրանց ազնիւ արցունքներին... դուք ինձ ստիպում էք, որ անհամեստ լինեմ:

Ես ձեզ հասկանում եմ. Դուք ուզեցար մի Ֆոկուս սարքել յողի անունով, (ստատոի մասին

լռում եմ): Գիւղացիք հոտն առան, որ կարծեցեալ բարեգործներ իրանց խարեցիք (նրանցից մէկը մի КУЛАКЪ-ի երեսին զարկեց այդ խօսքերը): ձեզնից բացադրութիւն են ուզում, իսկ դուք խուլիգանի պրովոկատարութեամբ և խիղճ ծախած չարչու նման մեղքը բեռնում էք Բենիկ վարդապետի վրայ, մտածելով «ինչ փնաս ունի, հոգևորական է, թող սյս էլ քաշի»:

Գուք էլ այդ շատ լաւ հասկանում էք, բայց անհասկացող էք ձեանում, որովհետև ձեր խիղճըն է հիւանդ*):

Բենիկ վարդապետ.

Հովի 1906 թ. № 29.

*) Թէպէտ և գործի դրութիւնը չի փոխում, այնուամենայնիւ ճշմարտութիւնը պահանջում է ասել, որ վարդապետը մասնաւոր նամակով ինձ գրում է. „Իմ բարկութեան արդիւնքը անարդարութիւն եղաւ“ „այլ ես բարկութեան թափով խիստ լեզու և ծանր բառեր ուղղեցի Ձեզ“ „որ ես ինքս ինձ պատժեցի այդ սխալանքիս համար“:

Այնուամենայնիւ հայհոյանքը Պնում է հայհոյանք և բարեկիրթ մարդու՝ այն էլ վարդապետի պատիւ չի անում:

Քիշնե, 15-ն Յուլիսի.

Մշակի այս տարուայ 136 համարում Սիմֆերոպոլի հայոց եկեղեցիների երեսփոխան պ. Յակովբ Քուշնարեանը մոռանալով, որ երեսփոխանները լրագրի միջոցաւ չեն դիմում կոնսիստորիաներին, երկու համակ է տպել մէկը կոնսիստորիայի նախանդամ Տ. Բենիկ վարդապետի, միւս կոնսիստորիայիս հասցէին: Ստիպուած է կոնսիստորիայս ճշմարտութիւնը պարզելու համար ի պատասխանի պ. Յ. Քուշնարեանի լուր պաշտօնական գրերից մինը Օրբազարի Օգսենտիոս քահանայ Հայրունու անունով արձակած (թ. 1080) սրա հետ միասին ուղարկել խմբադրութեանդ խնդրելով գետեղել Հովուի մէջ:

Անդամ կոնսիստորիայի

Բարսեղ ա. քահ. Ղազանճեանց.

Պ ս տ ճ է ն.

Բարեկրօն Ա. Օգսենտ քահանայ Հայրունի,
Ծխատէր Արմիանսկի Հայոց.

Քաղաքիդ հայ պատուաւորներից ոմանք Յ. Դաւթեան, Մ. Մսիրեան, Մ. Բախալեան և այլք սոյն տարուայ Յունիսի 14 թուակիր մի գեկուցմամբ դիմելով Ատենիս, խնդրում են, որ

Կոնսիստորիայի Օզի-Նիյդաչ կոչուած հողը կապալառու Սափաքի ձեռքից առնենք և սանք իրանց անհող հայ գիւղացիներին յանձնելու միտումով: Իրանց թղթի մէջ յարգելի պարոնները շեշտում են իրանց բարեսրտութիւնը առ հայ գիւղացին և իրանց հոգևոր հայրերի սառնասրտութիւնը առ նոսա: Հուսկ յետոյ կարևոր են համարել յիշել, որ հայ գիւղացիք զրգոռած են, կարող են անկարգութիւններ լինել և այլն և այլն: Առ այս կոնսիստորիայս պարտք է դնում Ձեր վրայ հետևեալը ընթեռնուլ յարգելի պարոններին և հայրական յորդորանօք խրատել, որ խոհեմութեամբ և ազնւութեամբ ընթանան:

Կոնսիստորիայս իւր պաշտօնական յայտարարութիւններից յետոյ պարբերական մամուլի մէջ Մայիս ամսին ուղարկեց իւր նախանշամին և Ատենադպրին Սիմֆերոպօլ քաղաք յիշեալ հողը աճուրդով տալու ըստ օրինի: Տեղական մի քանի պարոններ, Արմեանսկի մի երկու պարոնի հետ միասին ցանկութիւն էին յայտնել „յանուն ազգասիրութեան“ (!) վերցնել հողերը հայ գիւղացիների համար. Հայր նախանդամը առաջարկել էր նրանց մտնել սճրդախօսութեան մէջ, վստահացնելով, որ իրանց վրայ կթողնի հողը: Սակայն յիշեալ պարոնները ոչ միայն

ածրդախօսութեան մէջ չէին մտել, այլ նոյն իսկ խանգարել թէ անդի և թէ կրկնաճուրդի գլուխ գալը, որպէս զի հողը իւր ներկայ գնից ամենեկին չբարձրանայ, կարծես թէ այդ հողը ոչ թէ ազգային հաստատութեան էր պատկանում, այլ մի օտար ազգի. Ածրդախօսութեան անյաջողութիւնից յետոյ օտարները դիմում են կոնսիստորիայի ներկայացուցչին և խնդրում են մասնաւոր պայման կապել իրանց հետ, խոստանալով տալ 3 ր. 50 կ. մինչև 4 ր. իւրաքանչիւր դեռնատինին: Սակայն Հայրնախանդամը տարուելով իւր ժողովրդասիրական զգացմունքից խոյս է տալիս կոնսիստորիայի համար ձեռնտու առաջարկութիւնից և չի ուզում օտարին յանձնել, այլ հայ ժողովրդի ցանկութիւնը սիրելով սիրով յօժարում է տալ հայ մեծատուններին սակաւ վարձագնով, որպէս զի հայ գիւղացիքն օգտուեն: Այդ մասին նա ժողովներ է անում երկիցս խորհելու հայերի հետ: Նա կոնսիստորիայի առաջ պատասխանատուութիւն յանձն առնելով, առաջարկում է յերկարել սահմանւած 6 տարին 8-9, վարձագին առաջարկում է տարեկան 9 հազար: Յիշեալ պարոնները նկատելով թէ ժողովրդասէր մարդու հետ զործ ունեն, ծանրանում են նրա լաւագոյն զգացմունքների վրայ, խնդրում են առ

առաւելին 8000-ով տալ և այն էլ անպայման 18 տարով և առանց գրաւակահանի: Հայր նախանդամը բացատրում է թէ 18 տարին ապօրինի ժամանակամիջոց է, կոնսխատորիայն այդ բանը չի կարող ընդունել, յանձն է առնում իւր անձը պատասխանատուութեան հնթարկել և յերկարել մինչև 12 տարի: Նա խնդրում, նա զգուշացնում է թէ օտարները կվերցնեն հողը կաճ ժամանակով և 9-10 հազար վարձագնով, այն ժամանակ ուշ կլինի: Հայ պարոնների համար իրանց բարի հովուի ձայնը «Ձայն բարբառոյ յանապատի» է մնում: Ի դէպ ժողովի ժամանակ հայ ազգասէր պարոններից մինը յոյս ունենալով որ անպառճառ չնչին գնով հողը ձեռք է բերելու, մոռանում է հայ գիւղացուն և հայրենասիրութիւնը և առաջարկում է իւր ընկերներին յետ կենալու (отступной) 3000 ըուբլի, որով մերկանում է իւր ներքին աշխարհը: Այս խօսակցութիւնը տեղի է ունենում յարգոյ պ. Գիորղ Քուշնարեանի տանը, որի բնակիչները ազնութեամբ կվկայեն այդ: Այժմ համեմատելի է ազգասէր պարոնի և արհամարհուած «հողևոր հայրերի» ժողովրդասիրութեան չափը: Այս ամեն կարող է վկայել խղճի մտօք պ. Փախալեանը, որ ի լրոյ գիտէ: Վերջացած համարելով իւր գործը և չկամենա-

յով օտարների տալ առաս կապալավարձով, Հայր Նախանդամը Սրբազան Առաջնորդի հրամանով վերադառնում է Քիչնէ: Կոնստիստորիայն ահագին ծախսեր անելուց յետոյ այսպիսով իւր նպատակին չհասաւ, շնորհիւ այն բանի, որ մեր հայ պարոնները կամենալով հողը վերցնել իրանց ազգային հաստատութեան՝ կոնստիստորիային բացարձակ գրկանք էին կամենում, որ ամենեին ոչ ազգասիրութիւն է, ոչ յարգանքի նշան դէպի իրանց «հոգևոր հայրերը»: Հ. Նախանդամի՝ Տ. Բենիկ վարդապետի վերադարձից յետոյ օտար մարդիկ սկսան նամակներով և հեռագրերով խնդրել հողը: Սրբազան Առաջնորդը ձգձգում էր օտարներին պատասխանելը, յուսալով որ հայերից դիմումն կլինի: Եւ յիրաւի Սիմֆերոպոլից պ. Ալեանաքեանը հեռագրով խնդրում էր հողը օտարի չտալ, մինչև որ առաջիկայ կիրակին ծխական ժողովում կորոշուի հողը վերցնել հայերի համար: Սիրով համբերեց Նորին Բարձր Սրբազնութիւնը և յանկարծ կիրակին անցաւ, անցան և օրեր, երբ Տ. Օգսենտիոսը հաղորդեց թէ ծխական ժողովը վճիռ չարաւ հողը վերցնել գիւղացիների օգտին: Բարութեան և համբերութեան բաժակն արդէն լիքն էր, «հոգևոր հայրերը» իրանց պարսպն ապնուլթեամբ կատարել է-

ին: Ուստի հողը պէտք էր տալ ձեռնտու պայմանով վերցնողին: Այդ պարոնը եղաւ Սաբախը, որը գրով խնդրեց տալ իրեն 6 տարով 10,000-ով: Պայմանը հեռագրով ընդունուեցաւ. և առաջարկուեցաւ Քիշնե գալ, ուր պայմանագիրը կրուեցաւ, ստացուեցաւ 5000 ռուբլի կրաւ, 5000 կիտամեայ վարձագիրնր: Այժմ յիշեալ յարգելի պարոնները կամենում են որ իրանց ազգային հաստատութիւնը՝ կոնսիստորիայն, իրանց Սրբազան Առաջնորդը օրէնքի, խղճի և արդարութեան դէմ գործ անի, պայման քանդի, կոնսիստորիայն կրամական վնաս կրէ այս նեղ օրերում, դասի Լնթարկուի, ծաղր ու ծանակ դառնայ օտարների աչքում, երևայ մի հաստատութիւն՝ որ վստահութեան արժանի չէ, որ հողն յետ առնի և սայ իւր ժողովրդին: Միթէ այս ազգասիրութիւն է, միթէ այս հնարաւոր խնդիր է, կամ կատարելու պահանջ:

Արդ, բարեկրօն Հայր, այս գործի մանրամասնութիւնը Ձեր խոհեմութեանը ներկայացնելուց յետոյ, Ձեր ժողովրդին էլ յանձնում ենք Ձեր հայրական յորգօրներին: Թող ազնիւ լինեն, իսկական հայրենասէր, անարդար անկարգութիւններից հեռու մնան, որ սիրելի լինեն իրանց աչքում և յարգելի օտարների աչքում: Իսկ որով-

նետե այժմ անհնարին համարի ըստ օրինի պայմանը քանդել, ուստի կոնսիստորիայն կզիջանի յօգուտ ժողովրդի տալ Օգեխայղաջի հողը նոյն քնով, նոյն պայմաններով, եթէ Սարախի հետ փոխադարձ համաձայնութիւն կայացնէք և նրանից վերցնէք, մինչև անգամ կարելի կլինի երեք տարի ևս աւելացնել Սարախին: Միայն պատասխանատուն կոնսիստորի առաջ կլինի ըստ առաջնոյն Սարախը, և նրա հետ կապած կոնսիստորիայի պայմանը կմնայ անխախտ:

Իսկականի հետ ուղիղ է՝

Ատենադպիր կոնսիստորիայի

Կ. Յովհաննջանեանց.

Հովիւ 1906 թ. № 29.

Ա ն ճ շ ա ու թ ի լ ն ք

Կոնսիստորի 15 Յուլիսի գրութեան:

- 1). Կոնսիստորը գրում է. „... սակայն Հայրնախանդամը տարուելով իւր ժողովրդասիրական զգացմունքներից խոյս է տալիս կոնսիստորիայի ձեռնտու առաջարկութիւնից...“

Աճրդի և կրկնաճրդի ժամանակ Սիմֆերոպօլում ոչ թէ ձեռնտու գին, այլ ոչ մէկ գին առաջարկուած չէ, որովհետև ոչ

աճուրդը և ոչ կրկնաճուրդը չկայացան, ուրեմն խոյս տալու հարկաւորութիւն էլ չկար:

- 2). Կոնսիստորը գրում է ,,...այդ մասին նա (այսինքն նախանդամը) երկիցս ժողովներ է անում...“

Նախանդամը ոչ մի ժողով արած չէ. ժողովը կազմեցին այն անձինք, որոնք մտադիր էին հողը կապալով առնել. Նա մինչև անգամ ժողովներուն ներկայ ևս եղած չէ:

- 3). Կոնսիստորը գրում է ,,...պարոնները նկատելով, թէ ժողովրդասէր (!) մարդու հետս գործ ունեն, ծանրանում են նրա լաւագոյն զգացմունքների վրայ...“ Ի՞նչ հարկաւորութիւն կայ ծանրանալ ,,լաւագոյն զգացմունքների“ վրայ, քանի որ ունէինք գործ մի ,,լաւագոյն զգացմունքներով“ բռնուած մարդու հետ?

- 4). Իզուր կոնսիստորիան աշխատում է իւր գրութիւնը վկաներով հաստատել (Գ. Քուչնարեան, Փախալեան). կարելի է գրել էլի մի քանի ազգանուններ, ով է արգելողը?

- 5) Կոնսիստորը գրում է ,,...այժմ համեմատելի է ազգասէր պարոնի (այսինքն իմս) և արհամարուած հոգևոր հայրերի ժողովրդասիրութեան չափը...“

Շատ հետաքրքիր է ինձ գիտենալ, արդեօք ինչ հեռահեռ ստացաւ Կոնսիստորին այդ համեմատութիւնից: Իհարկէ՛ ամեն ազգասերները հաւաքել են Կոնսիստորում, իսկ ես և իմ ընկերները հետևում ենք մեր սնձնական շահերը:

Այն ժամանակ՝ ո՛ւր դենք բազմիցս ասած նախանդամի „բարեխղճութիւն“ բառը, երբ հողի գինը 7000-ից բարձրացրինք մինչև 8000 ըուրլի, բայց „բարեխղճութիւնը“ պահանջեց 9000 ըուրլի: Մի՞թէ կարելի է միայն խօսքով ազգասէր լինել?

Միմֆէրօպօլ, 24 օգոստ.

Երկու խօսք: Շատ խնդրում եմ չը մերժէր տեղաւորել այս իմ երկու խօսքը ձեր խմբագրութեամբ լոյս տեսնող «Մշակի» մօտակայ ՆՆ-ից մէկում:

Քիշինեվի հայոց կօնսիստօրիայի անդամը «Հովի» № 29-ում կօնսիստօրիայի անունից տպել է մի գրութիւն, որի սկիզբը վերաբերում է կօնսիստօրիայի հասցէին ուղղված իմ բաց նամակին (Մշակ № 136): Անուշադիր թողնելով առայժմ ամբողջ գրութիւնը, որը նոյն իսկ ու-

մենաներողամիտ ըննադատութեան չէ դիմանում (իր ժամանակին այդ կապացուցվի), ես կօնսիսատորիայի անդամի ուշադրութիւնը կհրաւիրեմ հետեւեալի վրա. նա գրում է՝ «Սիմֆէրօպօլի հայոց եկեղեցիները երէցփոխան պ. Յ. Քուշնարեանը մոռանալով որ երէցփոխանները լրացրի միջոցով չեն դիմում կօնսիսատորիաներին» և այլն: Իր հերթին կօնսիսատորիայի անդամն էլ մոռանում է, որ ես, իբրև երէցփոխ, ստորագրված չեմ կօնսիսատորիային և անկախ եմ: Երէցփոխի յարաբերութիւնները կօնսիսատորիայի հետ արտայայտվում են միայն ձևական հաստատումով՝ մէկ որ երէցփոխն ընտրված է ծուխից: Այս պատճառով ես, իբրև երէցփոխ, ստորագրված չեմ համարում ինձ դիմել կօնսիսատորիային նրա և սրա լիազօրի վրդովեցուցիչ վերաբերմունքի առիթով՝ դէպի վանքապատկան հոգերի աճուրդը: Թող կօնսիսատորիայի անդամը գիտենայ, որ միայն ստորագրեալը՝ ըստ իր պաշտօնի կանոնների դիմում է իր իշխանութեանը իր զեկուցումներով, իսկ ես, իբրև ծխականներից ընտրված երէցփոխ, հպատակութեան մէջ չեմ գտնվում և սրա համար էլ դիմեցի կօնսիսատորիային իմ բաց նամակով: Ես ոչինչ չեմ մոռացել:

Երէցփոխ՝ Յ. Քուշնարեան.

Մշակ 1906 թ. № 223.

Սիմֆէրոպօլ, 21 օգոստոսի.

Արամազդ, դու բարկանում ես... դու անիրաւացի ես:

Բենիկ վարդապետը ի պատասխան իմ նամակների («Մշակ» № 136) «Հովի» № 29-ում ճգնում է կոյաջրով հեղեղել ինձ. անուանում է ինձ «կուլակ», «սասխօս», «խուլիզան», «պրօվօկատոր», գործադրում է անվայել դարձուածներ և անհիմն զրախօսում է: Յիշում եմ, երբ վարդապետի հետ խօսում էինք դէմ առ դէմ և ես ասացի, թէ վանքապատկան հոգերի աճուրդի ողջ պատմութիւնը հասարակութեան առաջ կը դնեմ, նա պատասխանեց, որ կը կարողանայ ըստ արժանւոյն պատասխանել ինձ: Պատասխանեց—բայց չափազանց անհիմն և բոլորովին անվայել և աղայական կերպով: Որքան իմ նամակները չափաւոր և կորրէկտ էին, նոյնքան էլ անպարկեշտանում է անզօր չարութիւնով փրփրոյ վարդապետը: Այս տեսակ անվայել մրցութեամբ հեռու չես գնայ: Ճշմարտութիւնը միշտ էլ ճշմարտութիւն է, իսկ սուտը—միշտ սուտ: Խոստովանվում եմ, որ տեղաւորելով իմ նամակները «Մշակ»-ում, ես սպասում էի հիմնաւոր, գործնական և հանգիստ զրված պատասխանի: Բայց ի՞նչ կարելի է անել մի մարդու հետ, որն

անիրաւ ացի լինելով, երկու կէս է լինում արդարացի երևալու համար: Վարդապետի պատասխանը բնորոշելու համար ուշադրութիւն եմ դարձնում վարդապետի «Հովել» մէջ պատուախանի երեք Ֆրագների վրա. 1) «ես հեռագիրներից մէկի բովանդակութիւնը ասացի» (ասացիք, բայց հեռագիրը ցոյց չը տուիք), 2) «կարող եմ տպացուցանել հեռագիրը ցոյց տալով» (բայց ցոյց չը տուիք) և 3) «հեռագիրն ամենքին եմ տուել» (ովքեր են ամենքը—յիշում եմ, որ վարդապետի խօսքերի և «ամենքի» ցոյց տուած հեռագրի մէջ կար տարածայնութիւն):

Վարդապետի ամբողջ նամակը կազմված է այս տեսակի «հիմնաւոր» առարկութիւններից: Չէ, յարգոյ գործիչ, այդպէս անել և այսպէս արդարանալ չէ կարելի, իսկ բարեկիրթ մարդու, այն էլ մի վարդապետի, վայել չէ հայհոյելը:

Այլ ևս պատասխանելու չեմ, ինչպիսի կույաջուր էլ որ վրաս թափվի:

Երէցփոխ Յ. Քուշնարեան.

Մշակ 1906 թ. № 223.

ԲԱՑ ՆԱՄԱԿ ԲԵՆԻԿ ՎԱՐԴԱՊԵՏԻՆ

Հարասուբազար, հոկտեմբերի 28-ին

Մենք՝ ներքոյ ստորագրող Հարասուբազար քաքաքի հայութեան կեանքով ու նրա մամուլով հետաքրքրվող հայերս, ի մօտոյ ճանաչելով մեր հարևան Սիմֆերոպոլ քաղաքի ներկայ երէցփոխան պ. Յակոբ Քուչնարեանին, որ նա իր հասարակական ծառայութեան կոչման մէջ միշտ էլ եռանդուն, ազնիւ ու ամենագործունեայ անձնաւորութիւն է եղած և է, այլ և Ղրիմի Ս. Պաշ վանքի հողերը աճուրդով այս ամառ Սիմֆերոպոլում դրվելու խնդրում պ. Քուչնարեանը սուր հոտառութեամբ և մերձակայ ապագայի հեռանկարը լաւ ըմբռնելով՝ ամեն ջանք գործ էր դնում այդ հողերը Սիմֆերոպոլի հայ ունևորների միջոցով աճուրդով վերցնել և շրջակայ տաճկահայ գաղթականութեան յատկացնել, որի օգտաւէտ կողմերը կուրացաւ տեսնել կոնսիստորի լիազօր, տխրահռչակ Բենիկ վարդապետը, սրանով հրապարակօրէն մեր խորին զգուանքն ու բողոքն ենք արտայայտում այն անպատկառ յօդուածի դէմ, որ Քիչնևի հայոց կօնսիստօրիայի նախանդամ Բենիկ վարդապետը «Հովիւ» պահպանողական օրգան շաբաթաթերթի № 29-ի մէջ

«Զեր խիղճն է հիւանդ» յօդուածով պ. Քուշնարեանի «Մշակի» № 136-ի յօդուածին է պատասխանում:

Ինչպէս ձեզ, նոյնպէս և յարգոյ պ. Քուշնարեանին լաւ ճանաչում է Ղրիմի հայ հասարակութիւնը և դուք, որ կոչված էք ժողովրդի միջի եզակի գործունեայ անհատներին խրախուսելու դէպի գործ, դուք միանգամայն հասարակ մահկանացուի, մանաւանդ հոգևորականի, անվայել լեզուով ցեխոտում էք ամենքից յարգված մի գործունեայ անձնաւորութեան, որպիսին է անպայման պ. Յակոբ Քուշնարեանը: Միթէ այդ է ձեր կոչումը:

Յովհաննէս Սէլինեան (17 ստորագրութիւն)

Մշակ 1906 թ. № 251.

ՔԻՇԻՆԵՎԻ ՀԱՅՈՑ ԿՕՆՍԻՍՏՕՐԻ ՏԵՂԱՓՈՒՈՒԹԵԱՆ ՀԱՐՑԸ

Բաւական ժամանակ է, որ «Մշակում» ծեծվում է Քիշնևի հայոց կօնսիստօրի հարցը: Խնդիրը շատ հասունացած է ու վերջնական լուծման կարօտ, որի մասին աւելորդ չեմ համամարում սալ հետեւեալ կարծիքս:

Նախ՝ թեմական կօնսիստօրն ու առաջնորդանիստ քաղաքը պէտք է լինի թեմի մէջ ամենարագմահայ ու կենսունակ քաղաքը, որի նկատմամբ ուսահայոց մէջ բացառութիւն է կազմում Քիչներ, ուր հայութեան կատարեալ ամայութիւն է տիրում, ուստի և կօնսիստօրն ու առաջնորդը կամայ-ակամայ անհոգութեան ու անգործութեան են մատնվում, որոնց գեղեցիկ օրինակները տեսել և տեսնում ենք:

Երկրորդ՝ աչքի առաջ ունենալով այն ուրախ հանգամանքը, որ այսուհեաև մեր թեմակալ առաջնորդն ու կօնսիստօրի ամբողջ կազմը պէտք է լինի ընտրովի, բնական է ուրեմն, որ վերջիններիս անմիջական կօնտրօլը պէտք է լինի թեմիս ժողովրդական ներկայացուցչութիւնը, ուստի անյապաղ պէտք է Քիչների ներկայ կօնսիստօրը տեղափոխել անմիջապէս Նոր-Նախիջևան, ուր և կը նստի թեմակալ առաջնորդը, շրջապատված աշխարհական ազատամիտ, ինտելլիգենտ խորհրդատուներով: Նոր-Նախիջևան է թեմական դպրանոցը, նա է բազմահայ գաղութը իր ինտելլիգենցիայով, իր կուլտուրական հաստատութիւններով:

Ուրեմն, առ այժմ թեմիս հայութիւնը և հոգևոր իշխանութիւնը պէտք է ձգտեն մեր թեմի

կօնսիստօրն իր թեմակալ առաջնորդով տեղափոխել ուղղակի Նոր-Նախիջևան: Ղրիմի հայութեան համար պէտք է նոր փոխանորդութիւն հաստատել, որի յաջորդը կը նստէ Սիմֆերօպօլ քաղաքում:

Արդ՝ ովքեր շահազրգուած են այս խնդրով, թող իրանց կարծիքները տան ու միացած ոյժով աշխատենք Քիշինեվի կօնսիստօրը փոխադրել Նոր-Նախիջևան: Թեմի ամբողջ հայութեան շահը այդ է պահանջում:

Յակոբ Քուշնարեան

Մշակ 1907 թ. N 1

ՆԱՄԱԿ ԽՄԲԱԳՐՈՒԹԵԱՆ

Ս մֆերօպօլ 10 դեկտեմբերի

Խնդրում ենք չը մերժէք տեղաւորել ձեր յարգելի «Մշակի» Ռ-ում հետևեալ տողերը: Զարմանալի է մեր հոկոր հովիւների հայեացքը եկեղեցական-վանքապատկան այն կայքերի վերաբերմամբ, որոնք գտնվում են նրանց կառավարութեան տակ: Եկեղեցու պաշտօնեանները մոռանում են, որ ներկայ դէպքում նրանք միայն ժամանակաւոր կառավարողներ են, իսկ այդ կալ-

ուածները իսկական տէրը դարձեալ մնում է հայ ազգը, որից և՛ իսկապէս՝ այդ կալուածները հասել են եկեղեցիներին ու վանքերին, և եթէ պատահում է, որ հասարակութիւնը ցանկանում է դործադրել նրանց բարեգործական նպատակներով, ընդամին առանց դիպչելու հոյկոտականութեան նիւթական շահերին, որոնք կապուած են այդ կայքերի գոյութեան հետ, — այդ բարի ձեռնարկութեան մէջ քիչ է մնում նկատվի մի փորձ՝ նրանց անձնական սեփականութեան դէմ:

Վերոյիշեալ դրութիւնը հաստատովում է այն միջնադէպով, որ տեղի ունեցաւ Սիմֆէրոպոլում սոյն սարվայ մայիսի առաջին օրերը: Յիշեալ ամսի եօթին՝ Սիմֆէրոպոլի հայոց ուսումնարանի շէնքում նշանակված էր աճուրդ՝ Հին-Ղրիմի ս. Խաչի վանքին պատկանող և Պերեկոպի գաւառի Օդիյ-Խիյդաճի հողերը կապալով տալու: Այդ աճրդի կատարելը յանձնված էր Բենիկ վարդապետին: Այս հանգամանքի մասին «Մշակի» № 136-ում կար հաղորդակցութիւն տեղիս հայոց եկեղեցիների երէցփոխ Յ. Քուշնարեանի ստորագրութեամբ. նրա մէջ պ. Քուշնարեանը մանրամասնօրէն և բոլորովին անաչառ կերպով նկարագրում է փաստերն այնպէս, ինչպէս որ նրանք

իրականութեան մէջ տեղի էին ունեցել. այս յօդուածի տակ, «Մշակի» հէնց նոյն №-ում, յաջորդում է նոյն հեղինակի բաց նամակը, ուղղված Նոր-Նախիջևանի և Բեսսարաբիայի հայոց հողևոր կօնսիստօրիային առաջարկութեամբ՝ արդեօք չի՞ ցանկանայ յիշեալ կօնսիստօրիան դրատառիթով և առհասարակ պատասխանել զուտ սկզբունքի հարցի:

Մեր երէցփոխի այդ բաց նամակին հոգեւոր կօնսիստօրիան «Հովիւ» շաբաթաթերթի № 29-ում տալիս է պատասխան, որն իր բովանդակութեամբ արժանի է ուշադրութեան: Ամենից առաջ կօնսիստօրիան պատասխանի փոքրիկ առաջաբանի մէջ երէցփոխի ուշադրութիւնը հրաւիրում է (և՛ ի դէպ ասած՝ բոլորովին անհիմն) այն բանի վրա, որ նա չգիտէ, թէ ինչ կանօններով ու կարգով երէցփոխները յարարութիւն են ունենում կօնսիստօրիաների հետ, և խրատ է տալիս նրան, որ իրան՝ կօնսիստօրիային երէցփոխը պէտք է դիմէ անմիջապէս և ոչ թէ թերթերի միջոցով (ինչ կարևոր հանգամանք): Իր պատասխանը պ. Յ. Քուչնարեանի բաց նամակին կօնսիստօրիան գրում է ոչ թէ շիտակ նրան՝ Քուչնարեանին, այլ, չգիտես ինչ պատճառով, Արմեանսկի քահանային (ըստ երե-

ւոյթին զրդված արհամարհանքի զգացմունքից
դէպի նա. սարսեցէք, պ. երէցփոխ): Այդ պա-
տասխանում կամ յօդուածում կօնսիստօրիան՝ ի-
րան վայել վեհութեամբ՝ զիջանելով իր հօտի
ձանձրացուցիչ ու զահլա տանող տենչանքնե-
րին, իր հոգևոր հովուի միջոցով տալիս է մի
շարք կրթիչ դասեր, պարտաւորեցնելով վերոյի-
շեալ հոգևոր հովուին իր մոլորված ոչխարների
վերաբերմամբ ցոյց տալ զուտ հայրական ինամբ,
սովորեցնելով և բացատրելով նրանց, որպէս զի
նրանք ազնիւ և համեստ լինեն պահանջների մէջ
և հեռու ապօրինի հակումներից. սրանից յետոյ
կօնսիստօրիան դիմում է վանքապատկան հողե-
րի աճրդին վերաբերվող դէպքի փաստային կող-
մի իւրատեսակ լուսաբանութեան ու նկարա-
զրութեան: «Ակնածութեամբ» կարդալով կօնսիս-
տօրիայի թղթի այս մասը, աւամայ գալիս ես
այն եզրակացութեան, որ՝ հողերն իրանց կապա-
լով տալու համար՝ կօնսիստօրիային առաջար-
կութիւն անող անձերը և ինքը հայոց հոգևոր
կօնսիստօրիան երկու թշնամի կողմեր են, եր-
կու առանձին ցեղեր, որոնք իրար հետ ոչինչ
ընդհանուր չունեն, կամ լաւ է ասել -- առևտրա-
կան երկու ձեռնարկութիւններ, որոնց մաս-
նակցողները կարծես աշխատում են պլոկել ի-

րար: Ամենից առաջ՝ կօնսիստօրիայի հէնց ա-
ճուրդ նշանակելը և յայտարարելը, իսկ յետոյ
նաև՝ հայոց վանքին պատկանող հողի աճրդի կա-
տարելը, թէև զուտ իրաւաբանական կողմից
թոյլատրելի է, բայց ազգային տեսակէտից դա-
տապարտելի է և ոչ մի բանով չարդարացնող,
մանաւանդ ներկայումս, երբ արդէն էջմիածնում՝
վերջին համագումարում կոյսացաւ պատգամա-
ւորների ժողովի վճիռը, որով եկեղեցական-վան-
քապատկան հողերը պէտք է ճանաչվեն որպէս
ժողովրդական համայնականացրած սեփականու-
թիւն, իսկ այդ կայքերի եկամուտները պէտք է
յատկացվեն հայ ժողովրդի ազգային-կուլտուրա-
կան կարիքների ապահովացման: Կօնսիստօրիան,
ի հարկէ, կարող է առարկել, թէ այդպիսի վճիռ
զեռ նոր է կայացել, աճրդից յետոյ. այո՛, բայց
բանն այն է, որ այսպիսի հայեացք եկեղեցական-
վանքապատկան հողերի վրա՝ որպէս ազգային
սեփականութեան վրա՝ վաղուց, շատ վաղուց
զոյութիւն է ունեցել և ունի հայ ժողովրդի հա-
մոզմունքների և հասկացողութիւնների մէջ. այս
հայեացքը պահվում է ժողովրդական սղու խոր-
քերում: Պատգամաւորներին ժողովր՝ այսպէս ա-
սած՝ վաւերացրեց նրան, ապրելու իրաւունք
տուեց, և ներկայումս՝ այդ գործերը կառավա-

րելու համար՝ արդէն կազմակերպւում են ըայօնական հիմնարկութիւններ՝ քառանդամեան ֆորմուլայի հիմունքներով:

Այսպիսով երբ կայ ցանկութիւն և առաջարկութիւն հէնց իրա՝ հայ հասարութեան կողմից, — թէկուզ յանձին մի փոքրիկ խումբ մարդկանց, — վանքապատկան հողերն իր վրայ առնելու նպատակով, որ նրանցից եկամուտներ ստացվեն հայ հասարակութեան կարիքների համար, — այդ հողերի աճրդի կատարումը ազգային ինքնագիտակցութեան համար վիրաւորական է:

Շարունակելով կօնսիստօրիայի թղթի ընթերցանութիւնը, ուր խօսվում է բանակցութիւնների մասին, որոնք տեղի ունեցան յիշեալ մի խումբ անձերի և կօնսիստօրիայի ներկայացուցիչ՝ Բենիկ վարդապետի միջև, ուղղակի վարանում ես և ինքդ քեզ հարցնում. վայել է արդեօք հոգևոր կօնսիստօրիային, որ պարտական է պաշտպան կանգնել քրիստոնէական սիրոյ և ճշմարտութեան սրբազան աւանդներին, խորասուզվել ու ընկղմվել կեանքի այդ կեղտի մէջ, արտայայտել առևտրականական այնչափ հաշիւ և փողային հետաքրքրութիւն: Ախր մի նայեցէք՝ ինչպէս ծախս է անում կօնսիստօրիայի ներկայացուցիչը: Հողն առաջ արվում էր տարեկան 7000 ռուբ-

լով. սիմֆերոպօլցիք ու արմեանակցիք, ականջ դնելով Բենիկ վարդապետի աղերսին և արտասուքներին, առաջարկում են 8000 ռ.: Սկզբում ներկայացուցիչը կարծես համաձայնում է առաջարկութիւններին, իսկ յետոյ՝ պայմաններից մի քանիսը գտնում է անընդունելի (ժամանակամիջոցի պայմանը), ապա իբրև թէ զրազրութիւն է ունենում կօնսիստօրիայի հետ և յայտնում է, որ կօնսիստօրիան համաձայն է զիջանել հողը տարեկան միայն 9000 ռուբլով և այլն. մի խօսքով՝ իր բոլոր գործողութիւնների մէջ ցոյց է տալիս դրդումներ և ձգտումներ «գործի մարդու», որը միայն մի նպատակ ունի— «թաւ ձգելու», իսկ ինչ որ հասարակական շահեր, բաներ... բէ, գետինն անցնեն դրանք բոլորովին: Ըստ երևոյթին կօնսիստօրիան էլ համաձայն է իր ներկայացուցչի այս կշռադատութիւնների հետ, եթէնա, արդէն ձևական պայման կապելով պ. Սափաքի հետ՝ տարեկան 10,000 ռուբլով, առաջարկում է անհանգիստ և ճանձրացնող ազգասէրներին, որոնք տակաւին չեն կորցրել իրանց յոյսերը՝ այդ հողը կապալով վերցնելու համար, համաձայնութեան գալ՝ պ. Սափաքի հետ, որպէս զի սա զիջանէ հողի կապալը յիշեալ անձերին, բայց միայն հէնց նոյն հիմքերի վրա: Կօնսիստօրիայի

այսպիսի հայրական հոգսի համար ազգասէրները, ի հարկէ, պէտք է նրան շատ շնորհակալ լինեն, բայց մենք կարծում ենք, որ նրանք ինքներն էլ կը գանեն պ. Սափաքի ճանապարհը, եթէ բանը պրան մնայ: Կօնսիստօրիան հաւաստացնում է, որ նա ոչ մի կերպ չէր ուզում հողն օտարներին տալ, որ նա պատրաստ էր ամեն զիջողութիւններ անելու, ոչ նա բոլոր ոյժերով աշխատում էր եօլա տանել հէնց իր անդամակիցների հետ. բայց չէ՞ որ վերջ ի վերջոյ նա հողը էլի սուեց ոչ թէ հայերին, այլ պ. Սափաքին տարեկան 10000 ըուբլով: Իսկ հայերը առաջարկեցին միայն 8000 ը., նշանակում է՝ հանելուկը շատ հեշտ է լուծվում: Հայերն իրանք են մեղաւոր. ինչո՞ւ նրանք չը տուին 10,000 ը., և եթէ այդ պատահէր, այն ժամանակ Կօնսիստօրիան, համարձակ կարծում ենք, չէր ակնարկի ոչ մի համախմբման կամ մութ զրգումների մասին յիշեալ մի խումբ անձերի կողմից, իսկ նրա պատուելի ներկայացուցիչը նրանց չէր անուանի «կուլակներ», «խուլիզաններ» և այլն: Այս ամբողջից միայն այն է պարզվում, որ մեր հոգևորականութեան և նասարակութեան մէջ ոչ մի հոգևոր կապ գոյութիւն չունի, իսկ մի անգամ որ այդպէս է, ուրեմն ուրիշ շահերի, զուտ կեանքի շա-

հերի համերաշխութեան մասին խօսք անգամ լինել չէ կարող, և այնտեղ, ուր կայ զուտ փողային հարց, կօնսիստօրիան խուլ է մնում ազգային կարիքներին:

Սրանով մենք կը վերջացնէինք մեր սուղերը, եթէ «Հովուի» նոյն Ռ-ում չը լինէր մի ուրիշ նամակ, նոյն մեր շարաքաստիկ երէցփոխ Յ. Քուշնարեանի: Իր բովանդակութիւնով այդ նամակը, ի հարկէ, հասարակական ոչ մի հետաքրքրութիւն չի ներկայացնում, մանաւանդ որ ընթերցողը, կարդալով կօնսիստօրիայի նամակը, կարող է կատարեսօլ գաղափար ունենալ վանքապատկան հողերի միջնադէպքի մասին. բայց նա հետաքրքրական է զուտ հոգեբանական հայեցակէտից, որ նկարում է մեր եկեղեցու բարեպաշտ հովիւների ներքին, հոգևոր աշխարհահայեացքը: Կարդալով այդ գոհար—արտադրութիւնը, ինքդ բեզ հարցնում ես. «Արդեօք պատահմամբ «Մօսկօվսկի Վեդօմօստիի» կամ սևհարիւրեակի լրագիր «Վէչէի» մի համարը չէ՞ ընկել ձեռքս», որովհետև այդ նամակի ոճը ասպշելի կերպով յիշեցնում է մեր անուանած «պատուելի» թերթերի աշխատակիցների արտադրութիւնները: Բայց երբ հասնում ես ծայրին և տեսնում ես տիրահոշակ Բենիկ վարդապետի

ստորագրութիւնը, ամեն բան պարզվում է: Նա-
յեցէք, ինչ գեղեցկութիւններով լիքն է «յարգե-
լի» վարդապետի նամակը սկզբից մինչև վերջը:
Վարդապետը ուրիշ կերպ չէ կարողանում գրել
և խօսել, բայց եթէ փրփուրը բերնին: Ինչեր
այստեղ չը կան: Ե՛ւ «կուլակ», և՛ «խուլիզան»,
և՛ «գուլուս», և՛ «պրօփօկատօր» և այլն և այլն:
«Վէչէ» թերթի բոլոր ընտիր արտայայտութիւն-
ները: Խեղճ պ. Քուշնարեան և ձեր կապալառու
ընկերներ: Համափոփոխութեան ենթարկվեցիք,
հա՛: Դուք հարկաւոր կրթութիւն էլ չէք ստա-
ցել, ձեր խիղճն էլ մաքուր չէ, պ. Քուշնարեան,
դուք բարեգործութեան ծածկոյթի տակ ինչ-որ
գաղտնի մտքեր ունէք, դուք խուլիզանական հա-
կումներ ունէք, և այլն և այլն: Բայց կացէք.
մի՞թէ այդ գրողը հոգևոր անձն է, եկեղեցու
սպասաւոր: Հապա ո՞ր է քրիստոնէական այն
հեզութիւնը, որի մասին այնքան շատ են սի-
րում խօսել պատուելի Տարտիւֆները: Ո՞ւր է այն
եղբայրական սէրը դէպի մերձաւորը, որի մա-
սին այնքան շատ և այնպէս ջերմեռանդօրէն,
երբեմն նոյնիսկ արտասուելից աչքերով, կան-
չում են այդ յարգելի քարոզիչները Աստծու
տաճարում: Ախր եթէ նոյն իսկ րօպէսպէս թոյլ
տանք, որ պ. Քուշնարեանը գրել է իր նամա-

կում աշկարա մի սուտ, միբլ՛ է այդ իրաւունք և տալիս Բենիկ վարդապետին այդպիսի կատաղութեամբ յարձակվելու մարդու վրա և ստամբների կրճատցով ամբողջ մաղձը թափելու հէնց իր մերձաւորի վրա: Մենք առաջ չենք բերի իսկական արտայայտութիւնները: Միայն մի բան կարող ենք ասել, որ պ. Քուշնարեանի նամակը իր համեստութեամբ, որևէ աւելորդ խօսքերի բացակայութեամբ և գործի փաստային կողմի կատարելապէս ճիշտ նկարագրութեամբ ոչ ոքի չէր կարող դիպչել, ևս առաւել վիրաւորել, և, ընդհակառակը, Բենիկ վարդապետի պատասխանը՝ աղաւտիւցով ճշմարտութիւնը՝ բոլորովին անիրաւացի վիրաւորանքներ է հասցնում ոչ միայն պ. Քուշնարեանին, այլև Սիմֆերոպօլի հայ հասարակութեան, որովհետև Բենիկ վարդապետը՝ վիրաւորելով մեր յարգելի անդամակցին, այն է դեռ առանց առիթի ու հիմքի, միևնոյն ժամանակ, վիրաւորում է իրան հասարակութեան, որը կատարելապէս հաւատացած է, որ այն մի խումբ անձերը, որոնք ցանկանում էին կապալով վերցնել վանքապատկան հողերը, ոչ թէ իրանց շահերին էին հետամտում, այլ ուզում էին, օգնել խեղճ հայ հողագործներին և երկու ուսումնարանների:

Այս պատճառով մենք, ներքևում ստորագրողներս, չենք կարող շարտայայտել մեր վրդովմունքը հասարակութեան մեր յարգոյ անդամներին ուղղված ինսինուացիաների առիթով, այն անդամներին, որոնք ցանկացան բարի գործ անել՝ առնելով իրանց վրա ամենախեղճ հայ երկրագործների կենցաղի բարելաւութիւնը՝ վանքապատկան հողը կապալով վերցնելու ճանապարհով: Միաժամանակ կտրականապէս յայտնում ենք, որ Բենիկ վարդապետի մեղադրութիւնը, իբրև թէ նրանք ուզում են օգտվել յիշված հողից իրանց անձնական վաստակի համար՝ բարեգործութեան անուան տակ, ակնյայտնի սուտ է: Այն անձերը, որոնց յարգոյ վարդապետը ճրգնում է վիրաւորել իր կծու խօսքերով, այնքան ժողովրդականութիւն են վայլում մեր հայ հասարակութեան մէջ, որ հոգևոր հովուի բառավիժումները և կաշուց դուրս գալը մեր հասարակութեան աչքերին ներկայանում են շատ խղճուկ և ամենաբիշը՝ ծիծաղելի: Մեր յիշողութեանն է գալիս հանգուցեալ Խորէն եպիսկոպոս Ստեփանէի յայտնած միտքը. «Եթէ Տէրն Աստուած մեզ հոգևորականներիս վրա ուղարկէր համաճարակ հիւանդութիւն խօյերայի կամ ժանտախտի նման, և մենք՝ բոլոր հոգևորականներս,

և ես էլ նրանց հետ, ոչնչանայինք, այն ժամանակ հայոց ազգը ազատ շունչ կառնէր»:

Մ. Ալեանակի և Կ. Ալեանակի -- կալուածատէրք, Կ. Թարասեան -- վաճառական, Ռ. Խասապեան -- տեսուչ Սիմֆերոպոլի ըայօնի (պետական), Խ. Քէլեան -- կալուածատէր, Յ. Սելինեան -- նախագահ աղքատաց հոգարարձութեան, Լ. Թոսունեան -- վաճառական, Ա. Գալճեան -- դերձակ, Ս. Պետրոսեան -- հաշուապահ, Ա. Գասպարեան -- խահվէճի, Յ. Զաքիեան -- երգուեալ-հաւատարմատար, Գ. Թոսունեան -- նկարիչ, Ռ. Թղլիեան -- պրովիզոր, Յ. Դաւթեան, Կ. Սեֆերեան -- կալուածատէրք, Ս. Բաբեան -- պրովիզոր, Գ. Քեպապճեան -- վաճառական, Գ. Խորոսանեան -- ուսանող, Ա. Թոփալեան -- կալուածատէր, Վ. Բաբեան, Ն. Ալեանակի, Ե. Գրիկեան, Վ. Բահաթրեան, Մ. Թարախչեան -- ուսուցիչք:

Մշակ 1907 թ. № 5

ԲԱՑ ՆԱՄԱԿ ԲԵՆԻԿ ՎԱՐԴԱՊԵՏԻՆ

Սիմֆէրօպօլ, յունվարի 8-ին.

Օղի-Պիյդաճի վանքապատկան հողերի աճրդի ողջ գործը կատարվել է իմ աչքերի առաջ և ես, ինչպէս Սիմֆէրօպօլի հայերի հասարակական գործերով փոքր ի շատէ հետաքրքրվողների մեծամասնութիւնը, լաւ տեղեակ եմ այդ խնդրին: Կարդալով «Հովիւ» շաբաթաթերթի № 29-ի մէջ ձեր պատասխանը մեր երեսփոխան պ. Քուշնարեանին, ես ապշեցայ ձեր ստերի առաջ, իսկ ձեր պատասխանելու ձևի մասին երկու կարծիք չէ կարող լինել և նա, այդ պատասխանը՝ քիչ բան է աւելացնում ձեր պատւին: Դուք ճգնում էք (և բոլորովին ի զուր) ապացուցանել, որ վանքապատկան հողերը վերցնել կամեցող անձինք իրանց անձնական շահի ետևից էին ընկած և ուզում էին շահվել՝ բարեգործութեան դրօշակի տակ:

Մեր հոգևորականութեան (ի հարկէ՝ ոչ բոլոր) արշիւնով չափել այն մարդկանց չէ կարելի: Կան մարդիկ, որոնք անհրաժեշտութեան դէպքում կհաստատեն, որ հողի աճրդով վերցնելու պայմանագիրը կազմել և արտագրել եմ ես և այդ պայմանների մէջ պարզ սոված է, թէ ձրտեղ

էր գնալու հողից ստացված արդիւնքը, թէ որ-
պիսի հակողութիւն (կօնտրօլ) էր լինելու և
այլ մանրամասնութիւններ: Երբ մի քանի ան-
ձանց մէջ միտք յղացաւ. վերցնել վանքապատկան
հողերը, պ. Քուշնարեանը քաղաքումս չէր, բայց
այդ անձինք՝ լաւ գիտենալով, որ նա չի հրա-
ժարվի մասնակցել բարի գործում աղքատներին
օգնել, առաջնորդին տուած իրանց առաջին հե-
ռագրի տտկ նրա ազգանունն էլ տեղաւորեցին:
Եւ պ. Քուշնարեանը, քաղաքս վերադառնալով,
ամենայն պատրաստականութեամբ համաձայնվեց
մասնակցել այս բարի գործին: Որ այդ բոլոր
մարդիկը կամենում էին անշահասիրութեամբ
ծառայել բարեգործութեանը՝ կը հաստատեն թէ
նրանց բարեկամները և թէ թշնամիները, իսկ
դուք ձեր վերաբերմունքով սպանեցիք մի գեղե-
ցիկ գործ:

Այս էլ կայ, որ մեր սիրելի հոգևորականու-
թեանը (սակաւ բացառութեամբ), ինչպէս այս
կէպքում, նորայէս և ընդհանրապէս, ցոյց է տա-
լիս իրան այնպէս ինչպէս որ գիտէ ձեզ ողջ
ազգէ՛ն յայնքն՝ դուք եղել էք մշտապէս արք-
այոզներ սեփական բարիքի համար:

Ս. Յ. Պետրոսեան.

Մշակ 1907 թ. № 27.